

1.—Gozarán dunha bonificación do 5% da cota por primeira e única vez durante os dous primeiros anos os suxeitos pasivos que domicilien as súas cotas nos dez primeiros días do periodo voluntario por domiciliación bancaria nas entidades Financieiras con sucursal neste municipio. As devolucións bancarias das cotas domiciliadas, poranse ao cobro na recadación municipal pola cota íntegra, sen aplicación da bonificación por domiciliacións”.

Modificación dos artigos 5 e 6 da Ordenanza reguladora da taxa por asistencia e estancia en fogares e residencia de anciáns, garderías infantís, albergues e outros establecementos de natureza análoga, cuio literal se transcribe a continuación:

“Modifícase o Artigo 5º (Cota tributaria) engadíndoselle o apartado 1 e 2 e polo tanto queda redactado da seguinte maneira:

1.—A falta de pagamento de dúas mensuralidades consecutivas ou tres alternas orixinarán a baixa automática no centro, previo informe da traballadora social que indique que non é por motivos económicos.

2.—No caso de que existan cotas pendentes de pagamento algunha débeda, ésta poderase esixir pola vía de prema a través dos servizos de recadación da Deputación (ORAL).

Modifícase o artigo 6º (Beneficios Fiscais) engadíndoselle o apartado 1, e polo tanto queda redactado da seguinte maneira:

1.—Gozarán dunha bonificación do 5% da cota por primeira e única vez durante os dous primeiros anos os suxeitos pasivos que domicilien as súas cotas nos dez primeiros días do periodo voluntario por domiciliación bancaria nas entidades Financieiras con sucursal neste municipio. As devolucións bancarias das cotas domiciliadas, poranse ao cobro na recadación municipal pola cota íntegra, sen aplicación da bonificación por domiciliacións”.

RECURSOS.—Contra os anteriores expedientes os interesados poderán interpor recurso Contencioso-Administrativo no prazo de dous meses contados a partir do día seguinte ao da publicación deste anuncio no BOP, ante a Sala do Contencioso-Administrativo do Tribunal Superior de Xustiza de Galicia.

Ponteareas, 31 de xaneiro de 2008.—O Alcalde,
Salvador González Solla. **2008001528**

A N U N C I O

De conformidade cos artigos 17.3 e 17. do RDL 2/2004 de 5 de marzo polo que se aproba o Texto Refundido da Lei Reguladora das Facendas Locais, publícase o texto íntegro da ordenanza reguladora do estacionamento con horario limitado gratuito Zona Azul-Gratuita aprobada definitivamente en seesión plenaria de 26 de decembro de 2007:

ORDENANZA REGULADORA DO ESTACIONAMENTO CON HORARIO LIMITADO-GRATUÍTO

ZONA AZUL-GRATUÍTA

Artigo 1.

De conformidade co disposto no artigo 25 da Lei 7/85, reguladora de bases do réxime local, e das disposicións contidas no R.D. Lexislativo 339/90, do 2 de marzo, polo que se aproba o texto articulado da Lei sobre tráfico, circulación de vehículos a motor e seguridade viaria, así como o R.D. 1.398/93, do 4 de agosto que aproba o Regulamento do procedemento do exercicio da potestade sancionadora, díctase a presente Ordenanza reguladora do estacionamento con horario limitado-gratuíto.

Artigo 2. *Obxecto.*

Considerando que a ocupación da vía pública co estacionamento de vehículos, supón o uso dun ben escaso, que debe ser repartido, en virtude das facultades que lle recoñecen ao Concello no art. 25 da Lei de bases de réxime local, de 2 de abril (BOE do tres de abril de 1985), e no art. 7 do texto articulado da Lei sobre tráfico e circulación e seguridade viaria, do 2 de maio de 1990 (R.D. Lexislativo núm. 339), créase o “Servizo de zona azul - gratuíta”, que pretende acadar o acceso igualitario ao estacionamento nas zonas onde este é especialmente escaso, limitando o aparcamento de vehículos a un período de tempo máximo dunha hora e trinta minutos.

Artigo 3. *Funcionamento da zona azul.*

Os estacionamentos regulados, e con horario limitado, que existirán naquelas rúas e zonas habilitadas e sinalizadas para tal fin, determinaranse por medio dun Bando da Alcaldía (Anexo 1). En todo caso deberán de coexistir cos de libre utilización e someterase ás seguintes determinacións:

- O estacionamento efectuarase mediante ticket comprobante do horario.
- O condutor do vehículo está obrigado a colocar o ticket no lugar da parte interna do parabrisas dianteiro do vehículo, de tal xeito que permita totalmente a súa visibilidade desde o exterior.
- O período máximo de permanencia dun vehículo en zona azul será dunha hora e trinta minutos.
- Os vehículos poderán aparcar e desaparcar as veces que estime oportuno, sen rebasar durante a xornada a hora e trinta minutos de que dispón.
- Quedan excluídos desta limitación os vehículos da policía, protección civil, bombeiros, ambulancias e persoal sanitario en servizo de urxencia.